



Mislam da ste čuli da je Ebu Ubejde nešto donio iz Bahrejna.

Od 'Amra ibn 'Aufa el-Ensarija, radijallahu 'anhu, se prenosi da je Allahov Poslanik, sallallahu 'alejhi ve sellem, poslao Ebu Ubejdu b. Džerraha u Bahrejn da donese džizju (glavarinu) iz tog područja. Ebu Ubejde je stigao s imetkom iz Bahrejna, te su ensarije čule za dolazak Ebu Ubejde i na sabah-namazu se sreli sa Vjerovjesnikom, sallallahu 'alejhi ve sellem. Pošto se on okrenuo, oni su došli pred njega. Kad ih je vidio Allahov Poslanik, sallallahu 'alejhi ve sellem, osmijehnuo se i rekao: "Mislam da ste čuli da je Ebu Ubejde nešto donio?" "Da.", Allahov Poslaniče, odgovoriše oni, a on reče: "Radujte se i očekujte ono što će vas obradovati. Tako mi Allaha, ja se za vas ne bojim siromaštva, nego se bojim da vam se pruži bogatstvo ovog svijeta, kao što je pruženo onima prije vas, pa da se budete natjecali u njemu kao što su se oni natjecali i ono vas upropasti kao što je upropastilo njih."

[Vjerodostojan] [Muttefekun alejh]

Poslanik, sallallahu 'alejhi ve sellem, poslao je Ebu 'Ubejdu u Bahrejn kako bi uzeo džizju. Kada se Ebu 'Ubejde vratio sa imetkom, to su čule Ensarije, pa su došle na sabah namaz kako bi se sastali sa Poslanikom, sallallahu 'alejhi ve sellem. Kada je Poslanik završio sa namazom, oni su mu prišli, a on se nasmješio, jer je znao da su došli zbog imetka. On im je kazao: "Da niste čuli o dolasku Ebu Ubejde iz Bahrejna?" Oni rekoše: "Jesmo, o Allahov Poslaniče, pa smo došli da uzmemo svoj udio." Tada im je Poslanik kazao da se za njih ne boji siromaštva, jer je siromašan u većini slučajeva bliži istini od bogatog, nego da se boji za njih da im se ne otvore vrata dunjaluka, pa da se počnu natjecati u sticanju imetka, tako da tada čovjeku neće biti dovoljno ono što mu dođe, nego će željeti još više, bez obzira na koji način došao do toga i neće paziti da li je halal ili haram. Nema sumnje da je ovakvo natjecanje pokuđeno i da čovjeka udaljava od Ahireta, i da ga vodi u propast kao što su propali i oni prije.

<https://sunnah.global/hadeeth/bs/show/3768>

